

**ՀՀ ՊԵՏԱԿԱՆ ԵՎ ՈՉ ՊԵՏԱԿԱՆ ԲՈՒՅԵՐԻ՝ 2021-2022 ՈՒՍՈՒՄՆԱԿԱՆ
ՏԱՐՎԱ ԸՆԴՈՒՆԵԼՈՒԹՅԱՆ ՄԿՋԲՈՒՆՔՆԵՐԸ**

2021-2022 ուսումնական տարում դիմորդն ընդունելության քննությունը կարող է հանձնել **միայն մեկ անգամ**:

2021-2022 ուստարվա դիմորդների միասնական քննությունների և մասնագիտության հայտագրումն անցկացվում է **երկու փուլով՝**

Առաջին փուլն ընդգրկում է՝

• **2021թ. ապրիլի 15-ից մինչ մայիսի 10-ն** ընկած ժամանակահատվածում ՀՀ հանրակրթական, նախնական կամ միջին մասնագիտական ուսումնական հաստատությունները տվյալ ուսումնական տարում ավարտող և նախորդ տարիների շրջանավարտ դիմորդների կողմից մասնագիտության և տվյալ մասնագիտության համար սահմանված քննական առարկայի (առարկաների) առցանց հայտագրումը.

• հունիսին դիմորդների կողմից հանձնվող միասնական քննությունների հանձնումը:

Առաջին փուլում ընդունելության դիմում-հայտ ներկայացրած դիմորդը կարող է **փոփոխություններ կատարել կամ հրաժարվել** ընդունելության դիմումհայտից՝ մինչև տվյալ տարվա **մայիսի 10-ը՝ մինչև ժամը 18:00-ն**:

Երկրորդ փուլը 2021թ. հունիսի 26-ից մինչև հուլիսի 1-ն ընկած ժամանակահատվածում ՀՀ երկրադաքացիների և օտարերկրացիների, օտարերկրյա պետությունների ուսումնական հաստատությունները տվյալ ուսումնական տարում ավարտած ՀՀ քաղաքացիների, առաջին փուլում ընդունելության դիմում-հայտ չներկայացրած ՀՀ քաղաքացիների, գորացրված կամ տվյալ տարվա մինչև հուլիսի 31-ը գորացրվող դիմորդների կողմից մասնագիտության և տվյալ մասնագիտության համար սահմանված քննական առարկայի (առարկաների) առցանց հայտագրումն ու տվյալ տարվա հուլիսին դիմորդների կողմից հանձնվող քննությունների հանձնումն է:

Երկրորդ փուլի **դիմում-հայտում փոփոխություններ** կարող են կատարել՝ մինչև տվյալ տարվա **հուլիսի 1-ը՝ ժամը 17: 00-ն**:

Կենտրոնացված քննությունները կազմակերպվում են մեկ փուլով՝ **2021թ. հունիսի 26-ից մինչև հուլիսի 8-ն** ընկած ժամանակահատվածում:

Ներբուհական քննությունները կազմակերպվում են մեկ փուլով՝ **2021թ. հունիսի 26-ից մինչև հուլիսի 8-ն** ընկած ժամանակահատվածում:

Ներբուհական յուրաքանչյուր քննությանը մասնակցելու համար **բուհի հաշվեհամարին փոխանցվում է 1500-ական դրամ** և վճարելու վերաբերյալ անդորրագրի էլեկտրոնային տարբերակը կցվում է:

Դիմորդներն **ավարտական փաստաթղթի (ատեստատ, դիպլոմ) տվյալներն մինչև 2021թ հուլիսի 12-ը** առցանց եղանակով լրացնում են ԳԹԿ-ի իրենց ընդունելության դիմում-հայտում:

Դիմում-հայտը ԳԹԿ են ուղարկում **էլեկտրոնային (առցանց) եղանակով՝** յուրաքանչյուր քննությանը մասնակցելու համար ԳԹԿ-ի համապատասխան **հաշվեհամարին փոխանցված 1500 դրամ վճարի անդորրագրի էլեկտրոնային տարբերակը** կցելով:

Դիմորդներն ընդունելության **դիմում-հայտում լրացնում** է բուհերի բակալավրի ու անընդհատ և ինտեգրացված կրթական ծրագրերով առկա ուսուցման մասնագիտությունների և ընդունելության քննությունների՝ ցանկով նախատեսված **մեկ բուհի և մեկ մասնագիտության** (կրթական ծրագրի) անվանումը, տվյալ մասնագիտությամբ (կրթական ծրագրով) սովորելու համար սահմանված ընդունելության քննությունները: Ցանկի «Ընդունելության քննություններ» բաժնի սյունակում **միասնական քննությունների առարկաները «կամ» բառով տարանջատված լինելու դեպքում դիմորդին թույլատրվում է ընտրել նշված ընդունելության քննություններից մեկը:**

Նախորդ տարիների, նախնական կամ միջին մասնագիտական ուսումնական հաստատությունների շրջանավարտների ընդունելության դիմում-հայտերի լրացման գործընթացին օժանդակում և ԳԹԿ անձնական համար է տրամադրում **նրա բնակության վայրին մոտ գտնվող և այդ նպատակով առանձնացված դպրոցը:**

ՀՀ երկբաղաբացիների և օտարերկրացիների, օտարերկրյա պետությունների ուսումնական հաստատությունները տվյալ ուսումնական տարում ավարտած ՀՀ քաղաքացիների, առաջին փուլում ընդունելության դիմում-հայտ չներկայացրած ՀՀ քաղաքացիների, տվյալ տարվա ամառային գորակոչից գորացրված կամ մինչև հուլիսի 31-ը գորացրվող դիմորդների ընդունելության դիմում-հայտերն ընդունվում են երկրորդ փուլում: **Երկրորդ փուլի միասնական քննությունները կազմակերպվում են Երևանում:**

Դիմորդին չի թույլատրվում ներկայացնել **մեկից ավելի ընդունելության դիմում-հայտ:**

Բուհերի ընդունելության մրցույթն անցկացվում է **երկու փուլով՝ հիմնական և լրացուցիչ:**

Հիմնական փուլի մրցույթն անցկացվում է մեկ մասնագիտության (անվճար կամ վճարովի) հայտագրմամբ:

Լրացուցիչ փուլի մրցույթն անցկացվում է մեկ կամ ավելի բուհի՝ մինչև վեց մասնագիտության հայտագրմամբ, եթե տվյալ մասնագիտությունների առարկայից (առարկաներից) **դիմորդն ունի դրական գնահատական (գնահատականներ), և այդ մասնագիտություններում (անվճար և վճարովի) առկա են թափուր տեղեր:**

Հանրապետական ընդունող հանձնաժողովի կողմից ընդունելության քննությունների հիմնական փուլի մրցույթի արդյունքները հաստատվելուց հետո, բուհերում թափուր տեղերի առկայության դեպքում, ընդունելության քննություններից դրական միավոր (միավորներ) ստացած, սակայն մրցույթից դուրս մնացած դիմորդները հուլիսի **19-26-ը մինչև 18:00-ն** ընկած ժամանակահատվածում կարող են մասնակցել **լրացուցիչ՝ թափուր տեղերի մրցույթին՝ առցանց եղանակով լրացնելով դիմում-հայտ:**

Թափուր տեղերի ընդունելության դիմում-հայտում հայտագրված որևէ մասնագիտությամբ (ըստ հայտագրման հերթականության) **ընդունված դիմորդը չի մասնակցում հայտագրված հաջորդ մասնագիտությունների մրցույթին,** իսկ չընդունված դիմորդն ըստ հերթականության մասնակցում է հաջորդ մասնագիտությունների մրցույթներին:

Դիմորդներն անվճար և վճարովի տեղերի մրցույթին կարող են մասնակցել և՛ միասնական քննությունների արդյունքներով, և՛ միասնական քննության արդյունքով ու բուհերի ընդունելության քննությունների ցանկում երկու աստղանիշով (**) **նշված մասնագիտությունների առարկաների համար որպես մրցույթային գնահատական ընդունելության դիմում-հայտում հայտագրած միջնակարգ**

կրթության ատեստատի կամ միջին մասնագիտական կամ նախնական մասնագիտական ուսումնական հաստատության ավարտական փաստաթղթի՝ պետական ավարտական քննությունների գնահատականներով, իսկ պետական ավարտական քննությունների գնահատականների բացակայության դեպքում՝ տարեկան գնահատականով:

Ընդունելության մրցութային առարկայի քննությունից **հավասար միավորների դեպքում**, ըստ հերթականության, առավելություն է տրվում՝

- բոլոր տարիների մեդալակիր դիմորդներին.

- ներբուհական քննություններ հանձնած արվեստի գծով միջազգային և հանրապետական մրցույթների հաղթողներին՝ ընդունելության դիմում-հայտում համապատասխան մասնագիտություն հայտագրելու դեպքում.

- հանրակրթական ուսումնական հաստատություններում 10-12-րդ դասարաններում սովորելու ընթացքում դպրոցականների հանրապետական առարկայական օլիմպիադաների առաջին կարգի դիպլոմ ստացած դիմորդներին.

- ՀՀ կառավարության որոշմամբ հաստատված՝ ՀՀ բուհերի առկա ուսուցմամբ տվյալ ուսումնական տարվա մասնագիտությունների և ընդունելության քննությունների ցանկում բուհի կողմից նշված առաջին մրցութային քննությունից առավել բարձր միավոր ստացած դիմորդներին.

- դպրոցի պետական ավարտական քննություններից առավելագույն միջին գնահատական ունեցող դիմորդներին.

- տվյալ մասնագիտությանը համապատասխան միջին մասնագիտական կրթություն ստացած դիմորդներին:

Անվճար և վճարովի ուսուցման մրցույթների հիմնական փուլի արդյունքներն ամփոփվում են մինչև տվյալ տարվա **հուլիսի 18-ը**:

Ներբուհական քննությունների արդյունքներով մրցույթն անցկացվում է համապատասխան բուհում: Մրցույթի արդյունքը հաստատվում է հանրապետական ընդունող հանձնաժողովում, որից հետո բուհի ռեկտորը հրամանագրում է ուսանողներին:

Աղբյուրը՝ <http://escs.am/>